

Betico Croes despues di aprobacion Hulandes na cambio di Statuut

POR FIN NOS POR CANTA GLORIA

ORANJESTAD(AAN) — Porfin nos por canta gloria. Esaki tabata expresion di Betico Croes durante un conferencia di prensa cu el a dicta ayera na Hulanda. Betico Croes a mostra cu na Hulanda tabata tin un grupo di Arubiano cu tabata parti panfleta bisando cu Aruba kier su Status Aparte y Independencia.

Betico Croes a trece ayera den memoria, e lucha largo, e proceso di Himno y Bandera, Referendum, buscando reconocimiento te porfin a yega asina leo cu por a logra e cambio di Statuut. El a mostra cu un politico Hulandes a bisa cu "De kogel is door de kerk".

Betico Croes, durante e conferencia di prensa ayera a bisa cu hopi nunca a pensa cu lo yega asina leo, pero pueblo pa medio di referendum a expresa su mes pa Status Aparte y a vota pa independencia. Awe tin aprobacion di Parlamento Hulandes, y Aruba lo bay bira independiente.

E cambio di ayera ta encera cu Aruba lo haya su Status Aparte, y na 1996 su independencia. Un momento emocionante a keda registra ayera, segun Betico Croes, cu a papia di e proceso di 12-8 te e momento cu porfin Aruba a haya aprobacion den Parlamento Hulandes pa por bira un pais den Reino Hulandes y haya su inde-

pendencia na 1996.

Mientras partidonan grandi di Hulanda a sostene e cambio di Statuut, e partido comunista y partidonan chikito a vota contra. Na luna di October lo bay tin un conferencia pa mira si tur cos ta cla pa Aruba dia Promer di Januari 1986 haya su Status Aparte, Si Aruba no ta cla Status Aparte por wordo posponi pa algun dia, algun siman te hasta algun luna. Pero Ministro de Koning a bisa cu nunca lo por pospone pa mas cu algun luna.

Ademas politiconan Hulandes lo a duna como promesa cu politica na Hulanda lo no hunga ningun papel. Gobierno lo haci tur loke ta posible pa dia Promer di Januari 1986 Aruba haya su Status Aparte,

Tanto Betico Croes como Ministro Plenipotenciario, Boy Hernandez a gradici pa e cambio.

Despues di e reunion di Parlamento Hulandes ayera tabata tin basta Arubano den sala y pafor mustando cu e logra di ayera tabata uno historico, comoquiera cu Aruba despues di diez aña di perseverancia a logra di realiza e anhelo di Status Aparte.

Loke a parece di no ta realistico, a wordo logra, manera Betico Croes a bisa ayera for di Hulanda.

Segun Comercio

REDUCCION FORZA DI SUELDO NO TA NECESARIO PA SECTOR PRIVA DI ARUBA


SUPUESTO CASO DI PERJURIO

ORANJESTAD(AAN) — Siman pasa Juez a pospone e caso contra e joven acusado de Freitas pa por a scucha e agente policial, kende ta fungi como testigo.

Ariba sugerencia di Fiscal tambe di fiscal, tambe Juez a dicidi pa scucha e otro joven Tromp, kende tabata den compania di de Freitas, y kende lo a declara cu e cahita cu tabata e contene e papeluchonan lo tabata di e acusado.

Ayera mainta Juez a bolbe trata e caso, pero e agente policial no por tabata presente debi cu e ta cu vakantie. Pero si Juez a scucha Tromp y segun por a comprende, e persona aki a cuminsa declara cosnan contrario na resto di su declaracion anterior. Esaki a pone cu el a keda deteni mes ora, sospecha di perjurio.

PDA TA BAY CAMPAÑA CU 13 COMISION



DIARIO

DI ARUBA

Bo Matutino
Netamente Arubiano

DAVIERNA 7 JUNI 1985 AÑA 4, No. 1337

MITO CROES TIN SPERANZA CU LO POR YEGA ATROBE NA UNION

ORANJESTAD(AAN) — Despues di e reunion di Parlamento Hulandes ayera, Mr. Mito Croes a tene un conferencia di prensa via telefon cu medianan di comunicacion di Aruba, y a papia di e cambio di Statuut, y e reglanan transitirio pa e proyecto di ley.

Mito Croes a duna su version ayera, y a mostra cu tur partido na sinta na mesa y a palabra pues cu nan tur lo bay di acuerdo pa sostene otro y e cambianan den e ley cu mester a wordo proponi y a keda ampliamente splica.

Despues di dos dia Betico Croes sorpresivamente a retira di e amandamento y a splica e Hulandesnan cu e ta mira nan problema den esaki. Betico Croes lo no a avisa e otro partidonan previamente. Mito Croes a bisa cu Betico Croes, pues, a laga nan proposicionnan cay y a bay para banda di e Hulandesnan. Sinembargo nan a evita pa Hulandesnan mira cu a bini un distanciamiento den e delegacion.

Mas critica lo a bini di Bob Lopez Henriquez, kende lo a constata cu Betico Croes ta sufri di miedo di macamba.

Segun Mito Croes, si e cambianan cu e delegacion di Aruba a propone a keda rechaza pa e Parlamento Hulandes, ta pa motibo cu e Hulandesnan a ripara cu Aruba no ta para fuerte. Sinembargo, AVP no ta sucumbi y ta sigui mostra e Hulandesnan nan opinion. Ya Mito Croes lo a papia cu varios miembro di partidonan Hulandes.

Mito Croes a declara su mes contento cu e proyecto di ley a keda acepta casi unanimamente y a bisa cu Betico Croes lo realiza kico el a haci, aunke cu na Aruba e lo trata di justifica.

Alegria a keda expresa pa e cambio di Statuut di parti di Mito Croes, kende sin embargo a bisacu lo sigui bringa. El a expresa e speranza cu lo bolbe yega na union.